

OXFAM AUSTRALIA

Vizaun Jerál kona-ba Organizasaun no Aprosimasaun kona-ba Jéneru

Oxfam Australia, ne'ebé uluk hanaran Oxfam Community Aid Abroad (Ajuda Komunidade Tasi-Balun), ONG ida Australia nian kona-ba ajuda no dezenvolvimentu. Nia sentru eskritóriu iha Timor-Leste hela iha Dili, ho filial rua iha distritu Suai no Oecusse. Oxfam Australia iha membru na'in 45, ne'ebé maioria mak Timoroan.

Oxfam Australia nia motopredesesór orijen mak 'Aihan ba Dame' (*Food for Peace*), ne'ebé harii iha tinan 1953 hanesan rede ida ba grupu komunidade. Iha tinan 1962, 'Aihan ba Dame' fila an muda naran ba 'Community Aid Abroad' (CAA), ne'ebé grupu komunitáriu ne'e hala'o kampaña hodi halibur osan ba projetu sira iha tasi-balun. CAA envolve ativamente hodi fó apoiu ba libertasaun Timor-Leste molok invazaun Indoensia iha tinan 1974, liu husi advokasia iha Australia to'o tinan 1991. Iha tinan hanesan harii mos eskritóriu CAA nian iha Dili. Parseria lokál sira harii molok tinan ikus dekada 90, inklui organizasaun feto FOKUPERS.

Oxfam Australia oras-ne'e servisu iha nasaun liu 30 no parte ida husi asosiasaun internasionál husi organizasaun 11 ne'ebé harii iha 1995. Fundus atividade mai husi AusAid no husi Oxfam Australia rasik. Organizasaun ne'e kolabora ho ONG Oxfam sira seluk ne'ebe iha programa iha Timor-Leste, liu-liu Oxfam Nova Zelandia, Oxfam Hong Kong, Oxfam Belbique, NOVIB (Oxfam Holanda) no Oxfam Great Britain uluk mos halo serbisu iha TL. ONG Oxfam sira hotu iha misaun ida de'it mak; atu halakon kiak, atu hala'o justisa sosiál efektivu no atu hetan sustentabilidade meu-ambiente nian. Oxfam iha perspetiva ida katak kiak, justisa laek no degradasaun meu-ambiente mak hamosu sintoma hus kauza estruktural ne'ebé sistematikamente kria dezigualdade no kbiit laek iha populasau nia leet no entre populasau sira.

Bainhira hala'o tiha servisu kona-ba maneira responde periodu emerjénsia nian durante iha tinan 1999 no tinan 2000, Oxfam Australia no Oxfam sira seluk iha Timor-Leste halo soru mutu ida hodi halo planu ba dezenvolvimen tempu naruk nian. Hahú iha tempu ne'ebá, Oxfam Australia konsolida nia prioridade ba área jeográfika ne'ebé nia halo servisu ba, iha nivel nasional no nivel distritu. nu'udar ezemplu, iha nível distritu nian hanesan Covalima, Liquiça, Oecusse no Manatuto nia halo servisu kona-ba advokasia no dezenvolvimentu ba programa sira. Oxfam Australia iha TL la implementa direta nia programa sira maibe implementa liu husi parseiru lokal sira iha Timor-Leste.

Oxfam Australia iha Timor-Leste fó importánsia boot ida ba jéneru no buka atu tau kestaun jéneru iha nia programa hotu-hotu, no mós tau atensaun spesifiku ba jeneru no ninia direitu. Iha objetivu lima mak orienta Oxfam Australia nia servisu iha Timor-Leste. Objetivu sira-ne'e mak; 'direitu ba moris ida ne'ebé sustentável', 'direitu ba servisu báziku', 'direitu ba vida moris no seguransa', 'direitu atu rona nia' no 'jéneru no diversidade'. Objetivu haat uluk nian konseidera kestaun jéneru hanesan komponente xave, ne'ebé jéneru mosu hanesan baze ba objetivu finál nian.

Matadalan ba organizasaun nia serbisu iha área jéneru iha vizaun ida katak prosesu harii nasaun iha Timor-Leste ladún envolve setór marjinalizadu sira, inklui feto sira, no ne'e hatodan liu tan feto sira tan sistema tradisionál patriarkia patriarchal ne'ebe iha ninian.

Nune'e, Oxfam Australia buka halo servisu ho sosiedade iha nivel oin-oin hodi asegura fetonia partisipasaun no nia konsiderasaun iha prosesu dezvoltimentu nasional .

Jeneru no Diversidade nia Objektivu:

- **Atu hasa'e fetonia kapasidade no fo kbiit ba fetonia iha Timor-Leste atu participa ativu liu iha prosesu sosial, politiku no ekonomiku iha nivel lokal, distrital no nasional, no mos atu servisu hodi asegura fetonia no labarik sira iha Timor-Leste atu moris livre husi violensia ne'ebe bazeia ba jeneru no mos atu promove institucionalizasaun ba isu jeneru iha planeamentu, dezvoltimentu no prosesu planu orsamentu**

Oxfam Australia, *Oxfam Timor-Leste Programme Overview*, May 2006, p.3.

Programa

Oxfam Australia, hamutuk ho parseiru lokal sira, hala'o programa atividade barak ne'ebe integra jeneru. Atividade sira agora-ne'e bele inklui grupu tema sira tuir mai;

Fo Motivasaun ba Fetonian iha Baze nia Partisipasaun, Lideransa no Organizasaun Komunitaria

Oxfam Australia servisu hodi fo apoiu ba fetonia iha komunidadelokal atu participa iha prosesu nasional. Hanesan ezemplu, nia promove ona fetonia iha partisipasaun iha eleisaun *sucu* no kosellu *sucu*. Oxfam hanoim os atu fo apoiu ba fetonia iha hanesan kandidatu no hanesan votante informadu iha eleisaun prezidensial no parlamentar iha tinan 2007. Iha nivel ida-ne'e, organizasaun ne'e halo servisu ho organizasaun sosiedade sivil seluk (CSO sira ne'ebe Oxfam define hanesan ONG, grupu komunitariu sira, rede no asosiasaun sira), orgaun governu nian (hanesan GAPI) no ajensia Nasoens Unidas ne'ebe selesionadu (hanesan UNIFEM). Parseiru xave CSO seluk mak inklui FOKUPERS no Caucus.

Fo Apoiu ba Jeneralizasaun ba Jeneru no Ekuidade iha Nivel Nasional

Area xave sira ne'ebe Oxfam Australia halo koopera ho parseiru sira maka politika, lejizlasaun no estrutura governu nian. Area ida ne'ebe Oxfam Australia fo atensaun ba maka preparasaun no promosaun ba lejizlasaun kona-ba violensia domestika no mos direitu jeneru ninian iha Konstituisaun no iha CEDAW. Nian parseiru sira inklui ajensia sira Nasoens Unidas nian, OPE no CSO sira hanesan Rede Feto. Ezemplu ida seluk iha area ida-ne'e maka projetu 'East Timor Peace Building and Gender Justice', ne'ebe hetan fundus finansiamentu husi UNIFEM no Oxfam; projetu ne'e hah'u iha tinan 2002 to'o 2004. komponente xave ida mak projetu ne'e mak atu servisu ho CSO sira atu promove fetonia iha envolvimentu iha prosesu harii nasaun nian. Parseiru organizasaun sosiedade civil barak mak hala'o kampana promosaun no edukasaun komunidadelokal, hanesan Fundasaun Alola, Asosiasaun Mane Kontra Violensia, Caucus, FOKUPERS, Rede Feto, PSMTL, La'o Hamutuk, Sahe Institute for Liberation, Dai Popular, Feto Ki'ik Servisu Hamutuk no GFFTL.

Hametin Inisiativa sira ne'ebe Buka atu Halakon Violensia no Diskriminasaun Hasoru Fetonian

Oxfam Australia envolve ativamente hodi fo apoiu ba rede sira ne'ebe servisu atu prevene violensia no diskriminasaun hasoru fetonia iha Timor-Leste. Organizasaun ne'e fasilita interkambiu ida ho ativista sira husi rai-Nicaragua ne'ebe halo servisu kona-ba ligasaun entre maskulinidadelokal no violensia; hanesan rezultadu husi interkambiu ne'e makikus mai harii grupu

AMKV. Oxfam Australia fó nafatin apoiu ba AMKV nia atividade no nia dezvoltimentu. Atividade foin lalais inklui fó apoiu ba kampaña loron sanulu resin neen, ne'ebé hala'o tinan-tinan, hanesan loron kontra violénsia, no servisu ho estasaun rádiu comunidade lokál sira hodi fó sai programa edukasaun kona-ba tema ne'e.

Fo Treinamento no Asistencia ba Membru Oxfam no Parseiru CSO sira

Oxfam Australia servisu ho CSO lokal ne'ebe foka liu ba jeneru atu hakbiit kapasidade organizasaun no fo suporta ba atividade partikular sira. Parseiru sira belesesu ba subsídiu ki'ik ne'ebe Oxfam oferese. Membru Oxfam no parseiru CSO sira mós simu treinu kona-ba jéneru, liu-liu atu halo jeneralizasaun ba jéneru, jéneru no saúde, no uza sensibilidade ba jéneru bainhira servisu ho comunidade lokál sira.

Hala'o Peskiza atu fó Apoiu ba Programa Foun sira

Peskiza lubun ida maka hala'o tiha ona atu fó hatene Oxfam Australia nia programa iha área jéneru nian. Relatóriu peskiza nian inklui *A Gender Analysis of Permaculture in Timor-Leste* (2003), *Underlying Causes of Gender Inequity in Covalima, Timor Leste* (2003), and *Obstacles to the Effective Participation of Women in Adult Education Program: Focus on Socio-Cultural Factors* (2004). Iha tempu ikus ne'e Oxfam hala'o peskiza kona-ba fetu nia moris liu tiha situasaun konfliktu, inklui mós Timor-Leste. Peskiza ne'e buka mós atu haree efeitu husi servisu ne'ebé Oxfam halo ba setór ida-ne'e.

Kontaktu

Post: PO Box 152, Dili
Tlp: (670) 331 2605
Fax: (670) 332 1792
Website: www.oxfam.org.au
Alamat: Estrada de Balide, Matadouro, Dili

Husi: Trembath, Anna no Damian Grenfell, Mapa ba Lala'ok Buka Igualdade Jéneru: Atividade Ajénsia La Governamental no Internasionál nian iha Timor-Leste, Globalism Institute, RMIT University, Dili, July 2007, ISBN 978-0-646-47770-1, pp. 59-61.